

Isasauli Ko ang Bagay na Ito

Joel 2:23-27,

“At aking isasauli sa inyo ang mga taon na kinain ng balang, ng uod, at ng kuliglig, at ng tipaklong na siyang aking malaking hukbo, na aking sinugo sa gitna ninyo.”

Pakinggan ang sabi ng Propeta ng Diyos:

Ang sabi ng Diyos, “Aking isasauli ang bagay na Ito.” Paano nga ba Niya isasauli ang Punong Nobya na ito? Pinatay Ito sa pamamagitan ng apat na mensahero; kung kaya’t apat na mensahero ng Buhay ang magsasauli sa bagay na Ito. Ano ang una? Si Martin Luther, **pagaaring-ganap**. Ano ang ikalawa? Si John Wesley—sa pamamagitan ng santipikasyon. Ano ang ikatlo? Pentecostes sa pamamagitan ng **pagsasauli ng mga kaloob, ang Banal na Espiritu, bautismo ng Banal na Espiritu**. Ano ang ikaapat? **Ang Salita**. Ano? **Ang Salita**. [1]

Oh, sana’y mayroon akong sapat na panahon upang balikan ang Ezekiel at hugutin mula rito ang mga butong tuyo na iyon at ipakita ko sa inyo! (Ezek. 37:1-10). Ang sabi niya, “Mabubuhay ba ang mga butong ito?” Ang sabi Niya, “Manghula ka.” Paano ba dumarating ang isang hula? **Tanging sa pamamagitan lamang ng propeta**. Ito’y ang Salita ng Panginoon. “Oh kayong mga tuyong buto, inyong pakinggan ang Salita ng Panginoon.” At sila’y nabalutan ng laman, at sila’y nagsitayo bilang isang totoong malaking pulutong, at nagmartsa sila patungo sa Zion. Luwalhati sa Diyos. Siya na nga ‘yan; Siya na nga—ang tagumpay. [2]

Ngunit ang Buhay ay dumating, hindi nung sila ay mabalutan ng laman, bagkus ay nung humihip sa kanila ang hangin. **Iyan ay nung manumbalik ang ikaapat na Mensahe ng Buhay. “Aking isasauli, ang sabi ng Panginoon.” Aleluya. Luwalhati. Purihin ang Diyos.**

Ang ikaapat na Liwanag ay dumating upang ihatid ang mga kaparehong tanda. Abangan ninyo. Ang pagaaring-ganap ang siyang nagpanumbalik sa **pulp**. Ang sanipikasyon ang nagpanumbalik sa balat: ang katuruan tungkol sa kabanalan. Ano ang nagpanumbalik sa dahon? Ang mga Pentecostal. Ano nga ba ito? Ang mga Pentecostal ang mga dahon, pumapalakpak sila, sigla, kagalakan: Pentecostal. Ano nga ba ito? **Ang ikaapat ay ang Salita Mismo. Ang Salita na nagkatawang tao, bunga ang mga ito ng katunayan ng mga tanda ng pagkabuhay na muli na si Cristo sa wakas, pagkatapos na maitanim ng pagaaring-ganap, pagkatapos na maitanim ng santipikasyon, ng bautismo ng Banal na Espiritu**. Namatay na ang organisasyon, **at muling isinentro ni Cristo ang Sarili Niya katulad ng sa cap of the pyramid**.

Ang unang linya, pagaaring-ganap, santipikasyon, bautismo ng Banal na Espiritu, **pagkatapos ay ang pagdating ng Cap**. Ano ito? **Ang bungkos na ito ng Banal na Espiritu ay being honed out, upang lumapat ito sa isang uri ng ministryo na iniwan Niya noon; upang sa Kaniyang pagparito ay makasalubong silang lahat sa pagagaw, sila na inaring-ganap, nilinis, at nabautismuhan ng Banal na Espiritu. Muling tatayo ang piramideng iyon**. Ang bahay ng

Diyos ay muling mabubuhay. **Ang Punong Kahoy ng Buhay ay muling lumalago.** [1]

Pansinin ninyo rito. Ang buhay na naroon sa husk, sa stalk, at sa tassel, ay matitipon sa binhi. At ang buhay na naroroon sa stalk, ang siyang magbubunsod sa isa pa. **Ang pagaaring-ganap ang nagbigay daan sa santipikasyon. Ang Santipikasyon ang nagbigay daan sa bautismo ng Espiritu Santo. Ang Bautismo ng Espiritu Santo ang nagbigay daan sa Espiritu Santo Mismo upang humantong sa kasakdaan, pabalik muli sa Salita upang ipahayag ang Sarili Nito.** [3]

Sinabi ng Diyos kung paano Niya gagawin ang bagay na ito sa ngayon, kung paano Niya isasauli ang lahat ng mga bagay, ipapanumbalik Niya muli ang bagay na ito. Ito ang bagay na ipinangako Niya. Tama talaga iyan. Sa Joel 2:25-28 ay ipinangako Niya na isasauli Niya ang bagay na ito sa dati: **“Aking isasauli sa inyo, ang sabi ng Panginoon, ang mga taon na kinain ng uod.” Kita n’yo, iyan din ang datin ng uod (Joel 1:4). Ito’y nasa ibang kapanahunan lamang ng buhay.** At nung magpasimula ng manginain ang Katolisismo, sumunod naman ang mga Lutheran, pagkatapos ay ang mga Methodist, at mga Pentecostal, at lahat ng iba pa, ang sabi Niya, **“Aking isasauli sa iglesia ang lahat ng mga bagay na nawala upang maibalik ito sa dati niyang kalagayan nung una.”**[4]

Aking ipanunumbalik muli ang isang iglesia sa huling mga araw. **Ipapanumbalik kong muli ang orihinal na kapangyarihan. Sa gabi ay magliliwanag.**” (Zech. 14:6-7).

Ipinangako ng Diyos ang bagay na ito. Tutuparin ng Diyos ang bagay na ito. Sapagkat ito ang bagay na ipinagako Niyang gawin. **“isasauli sa dati ang lahat ng mga taon na kinain ng mga denominasyon.”**[5]

Sinabi sa Malachias 4:5-6 na isasauli Niya ang puso ng mga tao, at ang pananampalataya ng mga tao pabalik muli sa orihinal na mga magulang. Kita n’yo? Ito mismo ang nasa-saksihan natin, Iglesia. Nasaan na nga ba tayo ngayon? [3]

Ang mensahe sa huling-panahon ay upang ihanda ang Nobya sa pagagaw. Ano ang gagampanan nito? Ayon sa Malachias 4, ipapanumbalik sila sa pananampalataya na minsan ng ipinangaral sa mga banal (Judas 3): **isasauli sila sa pananampalataya ng mga magulang, ang Pentecostal na bahagi, sa panahon ng restorasyon.**” Aking isasauli, ang sabi ng Panginoon.” Iyan ang pag-eebanghelyo sa huling-panahon. [6]

Ang Romanismo, at lahat na, ang ngumangatngat sa magandang punong nobya ni Cristo hanggang sa magmistula itong isang stump. Subalit isinauli ito sa dati ng Diyos mula sa pagiging stump nito, paangat sa pamamagitan ng kapanahunan ng Lutheran, patuloy sa kapanahunan ni Wesley, hanggang sa kapanahunan ng Pentecostal. At ngayon ay humantong na ito sa Liwanag ng panggabi. **“Aking isasauli, ang sabi ng Panginoon, ang mga taon na kinain ng kuliglig, at ng tipaklong... Aking isasauli muli ang iglesia sa dati niyang kagandahan, ang iglesiang iyon sa dati niyang kapangyarihan.”** [7]

Ang lahat ng mga bagay na malaon ko ng sinasaysay sa inyo ay pawang nalalantad na sa ating paligid. **Ang ekumenikong pagkilos ng mga panirang damo ay hantad na. Subalit totoo rin na ang propeta sa huling kapanahunan ay lilitaw upang ihatid ang isang mensahe mula sa Diyos na siyang maghahanda sa ikalawang pagparito ng Panginoon, sapagkat ang mensahe niya ang magsasauli sa puso ng mga anak pabalik sa mga magulang na Pentecostal, at sa pamamagitan ng pagsasauli sa Salita ay maipapanumbalik din ang kapangyarihan.**

Ngayon sinabi nito na ang Diyos ang “magsasauli”. Hindi naisauli sa dati ng Kapanahunan ng mga Lutheran ang iglesia; pinasimulan nito ang repormasyon. Hindi ito naisauli sa dati ng mga Wesleyan. Hindi rin ito nagawang maisauli sa dati ng mga Pentecostal. Subalit ang Diyos ang Siyang magsasauli sa bagay na ito sapagkat Hindi Niya magagawang itanggi ang Sarili Niyang Salita. Hindi ito ang pagkabuhay na muli ng Iglesia; **bagkus ito ay ang “Pagsasauli”. Ibabalik muli ng Diyos ang Iglesia sa Pentecostes nung pasimula.** Ngayon pansinin ang sinasabi sa Joel 2:25 kung bakit kailangan natin ng pagsasauli sa dati. Kinaing lahat ng uod, kuliglig, tipaklong at balang maliban ang ugat at ang mumunting stem nito. Isinaysay sa atin na ang lahat ng mga insektong ito ay pareho lang, lamang ay nasa magkakaibang kapanahunan. Tama iyan. **Sila ay ang espiritu ng anticristo na nahayag sa loob ng organisasyon, denominasyon at bulaang mga katuruan sa iba’t ibang kapanahunan.** At ang abang ugat na iyon at stalk ay muling maipapanumbalik. Hindi magtatanim ng Diyos ng isa pang Iglesia, **bagkus ay isasauli Niya ang orihinal na puno pabalik sa orihinal na binhi.** Ginagawa Niya ang bagay na ito kung paano ito ipinahayag sa Joel 2:23, **sa pamamagitan ng pagtuturo, o ng “unang” ulan. Ang kasuno nito ay ang pagdating ng ulan sa anihan o ang rapturing faith.**

Ngayon, nais kong dalhin ang kaisipang ito. Matagal na nating pinaguusapan ang tungkol sa Binhi ng Trigo na nainilibing, pagkatapos ay umusli ang dalawang shoots, pagkatapos ay ang tassels,

kasunod nito ang tunay na ear. Marahil ay magtaka ang ilan kung bakit natin nasabi na walang taglay na Espiritu Santo ang mga Lutheran dahil **pagaaring-ganap lamang ang itinuro nila.** Marahil ay ikapagtaka rin ito ng mga Methodist, atbp. Hindi po, hindi iyan ang bagay na sinasabi natin. **Hindi ang mga indibiduwal o ang mga tao ang tinutukoy natin, kundi ang KAPANAHUNAN.** Taglay ni Luther ang Espiritu ng Diyos, ngunit ang kapanahunan niya **ay hindi kapanahunan ng ganap na pagsasauli** gaya ng pagbuhos nito nung pasimula. Gayon din sa panahon nina, Wesley, Booth, Knox, Whitefield, Brainard, Jonathan Edwards,, Meuller, atbp. Totoong puspos sila ng Banal na Espiritu. Siyanga, puspos talaga sila. Subalit ang kapanahunang kinabuhayan ng bawat isa sa kania ay hindi pa maituturing na ganap na pagsasauli, katulad din ng iba pang kapanahunan, maliban sa kapanahunang ito, **na siyang kapanahunan ng ganap na kadiliman dahil sa apostasy. Ito ang kapanahunan ng apostasy, at ito rin ang kapanahunan ng ganap na pagsasauli, ito ang kapanahunan ng finished cycle.** Dahil ditto, **ang lahat ay magwawakas na.** [8]

Ngayon, ang salitang “isauli” ay nangangahulugang: “ibalik sa dating may-ari; o ibalik sa dati nitong kalagayan o kondisyon.” At kung mayroong bagay na pagaangkin, upang matupad ang ganap na pagsasauli, maaari mo itong ipatupad—upang maipanauli ito sa dapat niyang kalagayan.

“Ang pagsasauli” ay nangangahulugang “ibalik sa dati, o ipanumbalik; **ang isang**

pagbawi ay kailangang ipatupad.” Ngayon, kailangan isauli ang isang bagay sa tunay na may-ari, kung saan ito nauukol... Samakatuwid, may isang pangyayari na nagbunsod upang mawalay ito sa tunay na may-ari, dahilan upang humantong ito sa isang kawalan. **Subalit ang pagsasauli ay ang pagpapanumbalik nito sa tunay na may-ari, o dili kaya’y maipanumbalik ito sa dati niyang kalagayan, kung paano ito nung una—maibalik ito sa dati nitong kundisyon. At upang mangyari ang bagay na ito mayroon tayong karapatan na ito ay ipatupad** (kung may batas tungkol rito), **kailangang lapatan ito ng isang pagkilos tungkol sa restorasyon—ang pagsasauli sa dati.**

Tulad na lamang kapag may taong nagnakaw ng isang pag-aari, at nasa kamay niya ang nabanggit na pag-aari. Kailangan mong puntahan ang taong ito taglay ang batas, at ang batas ang maguudyok sa tao upang isauli niya ang bagay na ninakaw sa natural na may-ari, sa dati nitong kalagayan. Pagsasakatuparan...

Ipatupad... **Kung gayon, nasa atin ang pribilehiyo na bawiin kay Satanas ang mga bagay na ipinagkaloob sa atin ng Diyos, sapagkat may batas ang Diyos; at ang Salita Niya ang siyang Batas.** At ang Salitang ito ang nagbibigay sa iglesia ng isang karapatan. Samakatuwid, mayroon tayong kapangyarihan na bawiin ang mga bagay na ito mula kay Satanas at sabihin natin, “Isauli mo sa amin ang mga bagay na ito.”

At kailangan niya itong gawin, **sapagkat maaari nating isama ang Sugo ng Diyos, (Juan 14:26; 16:1-14) ang Espiritu Santo, lumuhod ka, at sabihin mo, “Ito’y ANG SABI NG PANGINOON.” Wala siyang magagawa kundi isuko ang bagay na ito, ‘pagkat nariyan ang Espiritu Santo na maguudyok sa kaniya upang gawin ang bagay na ito.**

Ang batas ng lupa ay ang magpatupad—ito’y batas ng lupain, na ukol sa lupain. **Subalit ang Batas ng Espiritu ng Diyos (Roma 8:1-2) ay ang puwersahin si Satanas na isauli ang lahat ng bagay na kinuha niya sa Diyos sa pamamagitan ng pandaraya.** Inagaw niya sa Diyos ang mga kaluluwa ng mga lalaki at babae ng Diyos, sampu ng kanilang mga anak; nagdulot siya ng mga karamdaman sa katawan, inilagay niya ito sa mga tao na nilikha ng Diyos ayon sa Kaniyang larawan upang maging katulad Niya (Gen. 1:26). At pinagkalooban ng karapatan ang iglesia, ng legal na karapatan sa pamamagitan ng Biblia, **na taglayin ang Espiritu Santo upang maisakatuparan ang bagay na ito.**

Ngayon, ay mayroon ng batas. **At ang Isa na magpapatupad ng batas na ito ay ang Espiritu Santo.** Paano naman ang mga taong hindi sumasampalataya sa Espiritu Santo, kapag tinanggihan nila Siya? Kita n’yo? Aba’y tinatanggihan mo ang dapat sana’y kapayapaan at habah na ukol sa iyo. Kita n’yo?

Ano’ng tawag dito? Pagpapatupad. “Isauli mo na.” kita n’yo? Iyon lang; iyan ang tinutukoy rito. **“Isauli mo ang bagay na ito. Ibalik mo sa tunay na may-ari.”**

At kapag ninakaw sa iyo ni Satanas ang pribilehiyo na maging isang anak na lalaki o babae ng Diyos, mayroon tayong karapatan sa pamamagitan ng Espiritu Santo na ipatupad ang sinasabi ng Diyos: **“Isauli mo ang mga bagay na ito.”**

Kapag binigyan ka niya ng karamdaman at nagkasakit ka, mayroon tayong kapangyarihan mula sa Diyos na ilapat ang mga batas ng Diyos: “Sa pamamagitan Kaniyang mga latay ay pinagaling tayo.” Amen. Ipanumbalik mo siya; palayain mo siya. Kinakaladkad mo siya sa kamatayan, ngunit binabawi naming siya. Ibalik mo siya.”

Ngayon, **ganiyan ang magpatupad. Ipanumbalik mo ang isang bagay sa dati nitong kalagayan.** Kapag may mga taong maysakit, kababaihan man o maging mga bata; wala sila sa natural nilang kalagayan. **Kung kaya't kailangan nating ipatupad ang batas na taglay natin: ang totoo hindi ito sa atin, bagkus ay ipinagkaloob ito sa atin ng Diyos:** *“By His stripes we were healed; He was wounded for our transgressions; with His stripes we were healed.”* (Isaiah 53:4-5; I Peter 2:24).

Ngayon, mayroon na tayong ipatupad ang batas. At **ang Tagapagkaloob ng batas, ang Espiritu Santo Mismo ay narito, ang Sugo ng Diyos na Siyang titiyak na maipatutupad ang bagay na ito. Amen.** Ngayon, ang tanging paraan lamang upang makakilos Siya ay kung pahihintulutan ninyo Siya. Kita n'yo? Kailangan ninyong sampalatayanan ang bagay na ito (Roma 4:13-16).

May batas na ipinagkaloob sa bawat bagay. **O, may isang batas kay Cristo; ang batas na ito ay nasa kalooban ng tao.** Magagawa mong ilibing siya sa pinakamalalim na libingan, o sa pinakapusod ng dagat, maging sa sa kalaliman ng hades; gayonman may isang batas ng Espiritu Santo, na muling magbabangon sa kaniya. Kita n'yo? (Awit 16:10; Juan 5:28-29).

Ngayon, mayroon tayong batas, **ang batas ng Buhay na nasa loob natin** (Gal. 6:2). **Ang kailangan lamang ninyong gawin ay... Nilikha kayo, at ipinanganak kayo, at ipinuwesto kayo rito sa Katawan ni Cristo bilang mga anak na lalaki at babae ng Diyos** (I Cor. 12:13; Gal. 5:6-7). **Hindi mo kailangang “makipagbuno” sa diablo.** Mayroon tayong batas; iyan ay ang batas ng Espiritu Santo. Ang kailangan lamang ay matutunan mong magpaubaya at hayaan mo na ang Diyos kumilos. Kapag patuloy mong nilalabanan ang bagay na ito, hindi ito gagana (Exodo 14:14). Magpaubaya ka lamang sa Diyos, iyon lang...

Hindi natin kailangang magpumilit, maghatakan, at magmadali, at sabihing, “O, kapag hindi ko nakuha ang bagay na ito; kapag hindi ko nakuha ang bagay na iyon”; hindi dapat ganiyan; ang kailangan ay malaman mo na ang batas ng Buhay ay nasa loob mo mismo. Pagkatapos ay magpaubaya ka na sa Diyos. At ihahatid ka Niya sa iyong kagalingan, hanggang sa bautismo ng Espiritu, o sa anomang bagay na ipinagako Niya. Anomang kaloob na ibinigay Niya ay sa iyo (I Cor. 3:23), kaya nga magpaubaya ka at hayaan mo na lamang ang Diyos...

Iyan ang dapat mong gawin. Hayaan mo si Satanas na lumayo; **kailangang iwaksi mo ang lahat ng pagaalinlangan na nasa uyong kaisipan,** at magagawa kang ibangon ng Diyos. Mabuti ‘yan.

Inihanda ng Diyos ang lahat ng batas Niya upang umayon sa Kaniya, kapuwa ang natural at espirituwal, kumikilos ito ayon sa Kaniyang Salita, kahit sa anomang kalagayan. Gusto ko ‘yan.

Pinagagana ng Diyos ang lahat ng batas Niya. Pagisipan ninyo ang bagay na ito; pagaralan ninyo itong maigi. Kita n'yo? Pinagagana ng Diyos ang lahat ng mga kautusan Niya; **upang ito ay umayon sa sarili Niyang Salita** (Nakukuha ba ninyo? Kita n'yo?)—**Salita Niya.** Kailangang gumana ng ma kautusan Niya ayon sa Kaniyang Salita. Inutusan niya ang araw; inutusan Niya ang buwan; inutusan Niya ang daigdig; inutusan Niya ang kalikasan; at silang lahat ay umaayon sa linya. **Kaya ang lahat ng mga kautusan ng Diyos ay may harmony sa binigkas na Salita ng Diyos. at ang batas ng Buhay na nasa ating lahat ay maghahatid sa atin sa pagkabuhay**

na muli. Mangyayari ang bagay na ito. Imposibleng hindi ito matupad.

Hindi mahalaga gaano man tayo kaliit, gaano man tayo kababa, gaano man tayo karumi, gaano man tayo kasama, gaano man kalala ng sakit natin, ang batas ng Espiritu ng Diyos sa pamamagitan ng Kaniyang Salita, ay tatalima ang lahat ng ito sa Kaniya, magagawa Niya igiit ang bagay na ito, at sabihin, “Isauli mo na.” Amen.

O, kung magagawa lamang nating pagisipan ang bagay na iyan sandali. **Magagawa Niya itong puwersahin, anoman ang kundisyon? Anoman ang maging kundisyon, magagawa ng Salita ng Diyos na puwersahing umayon sa Salita Niya ang kundisyon.** Kita n’yo? Kailangan itong mangyari.

Kita n’yo? Anoman ang maging kalagayan mo, matatagpuan mo ang Diyos sa isang dako. **Kailangan mong lumapit sa Kaniya; kailangan mo Siyang makatagpo.** Kita n’yo? Bakit? **Binigkas Niya ang Salita,** at naglakip Siya ng batas sa Salitang iyan. **At ang batas ay Sarili Niyang batas, kung saan ang Buhay Niya ay nasa likod Nito.** Iyan ang dahilan kung bakit Siya Mismo ang nangako; wala ng hihigit pa sa bagay na ito.

Ang batas ng Diyos ay kailangang gumana sa pamamagitan ng Salita. Ang batas ng Salita ng Diyos, ang batas ng Diyos ay taglay ng Kaniyang Salita.

Ngayon, kapag ang korte ay nagtala ng isang salita, “Ito ang bagay na nangyari, at ganito ang ilalapat na parusa.” Tama. Ngayon, iyan ang salita ng korte, at ang batas ng korte ang magpapatupad sa batas ng korte. At kapag Diyos naman ang nagsalita ng isang bagay, **iyan ay isang batas; at ang Espiritu Santo ang magpapatupad ng batas (Amen.) sa mananampalataya. Kailangang itinaaga ka upang magawa mo ang bagay na ito; ang kailangan ay isang mananampalataya.** Kailangan ay taglay mo ang tsapa ng pagiging mananampalataya. [1]

John 11:40, “Jesus saith unto her, Said I not unto thee, that, if thou wouldest believe, thou shouldest see the glory of God?”

(Basahin din ang Spiritual Building-Stone No. 43 “Ang Pangako sa Atin: ang Dakilang Pagsasauli”.)

Reference:

- [1] "Restoration Of The Bride Tree" (62-0422), pg. 75-76, 14-18, 20-22
- [2] "Christ Is The Mystery Of God Revealed" (63-0728), pg. 86
- [3] "The Masterpiece", par. 136, 158
- [4] "Trying To Do God A Service" (65-0718M), par. 152
- [5] "Jehovah Jireh 1" (64-0402), par. E-61 – E-62
- [6] "End Time Evangelism" (62-0603), par. 222
- [7] "Be Not Afraid" (62-0620), par. E-66
- [8] "Laodicean Church Age", Church Age Book pg. 363, 379-380

Spiritual Building-Stone No. 183 from the Revealed Word of this hour, compiled by:
Gerd Rodewald, Friedenstr. 69, D-75328 Schömberg, Germany
www.biblebelievers.de, Fax: (+49) 72 35 33 06

Spiritual Building-Stone No. 183 from the Revealed Word of this hour, compiled by:
Gerd Rodewald, Friedenstr. 69, D-75328 Schömberg, Germany
www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]